

補

勤

詩

存

補勤詩存卷之十四

山陰 陳錦 畫卿

重行行草

丁卯三月

丁卯仲春復職之官自武林嘉禾重遊海上泊胥
吳湖建業渡江而北道淮徐宋陳舟車三月乃達
汴南戎次復至任城作重行行草

擬古行行重行行

古之論衡人物比之泰山北斗霽月光風良以人生
稟質萬殊度量相越亦猶兩閒名勝賦景不同此造
物之所以大也感作重行行凡八章

行行重行行海上三神山直上接斗極其高不可攀謫

補勤詩存卷之十四

十一

景近若接閭風吹復還對此氣爲奪雲物紛嫊爛萬有歸籠中廣夏疑千閒俯視嵩與岱終不離人寰

行行重行行大力據長津羣雁所歸往勢與湘鄂均江湖負巨舟氣象何輪囷須知有底石攫之則殺人天河萬里來袞袞搖星辰何嘗讓涓滴充積成齋淪

行行重行行孤峯淨如削高寒疑無人不得插塵腳明鏡破鬼膽飛鳥過之落大華極天碧羣山病卑弱蠶叢與魚鳧下有葬人壑安得鐵石身引頸就蓮鐸

行行重行行美景當良辰有山不在高有水不在深良工鳩眾材梧棘同一林進懷風鶴心退聞絲竹音多情蕙花月浩然湖海襟韶光善護惜霜雪終不侵

行行重行行塊然一文石大可坐千人
階不容一隙堂
堂雲中達舉趾何短窄才力限於天
此地苦土瘠枉費
九牛耕其堅乃如鐵長松所不生
生之易摧折

行行重行行培塿多松柏天然冰霜
姿誓不生繡陌驟
當午日炎蔭畝率以百勁骨干曾雲
其下草不澤直上
絜高梧鳳鳥有時集先登大匠門盤
根益多節

行行重行行止水一泓清千潭印璧
月慘澹無經營春
風拂柳條藹藹何親人流鶯在樹閒
天然自飛鳴如言
不欲戰萬里胡長征去住託無心風
濤良亦平

行行重行行尺瀆爲江河清極苦無
魚安得容蛟鼉湍
流一何驟隱隱生風波力灌原泉府
頻親海若魔藉無

傾盆雨何以忽盈科
薙草行熱湯慎勿傷嘉禾

泛雨西湖別秋露
僊孝廉嘉禾何竟山學博觀

王子欽茂材廷訓

十里長隄一短筇
斷雲吹過北高峯
微波冷掬虹腰細
薄霧輕堆佛髻鬆
西浙湖山殘劫贖
南朝煙樹古香濃
何人拋得杭州去
卻憶當年馬上逢
蔣薌泉方伯
今巡撫粵東

孤山林處士墓

孤峯一碧港
三叉高窺疑疑集
暮鴉鶴夢尋人歸
古樹詩魂和月葬
平沙神僊眷屬梅花屋
米室殘山處士家
此地莫須遊鹵簿
任他秋水老蒹葭

岳鄂王祠墓

未飲黃龍氣已吞手頰天語重君恩祠壁刊徽宗手詔誰言健
將能扶鼎不料奇冤覆盆奉詔甯成三字獄表忠長
跼四好魂卽今廟貌新湖上麟閣常動孰比論

蘇公祠

冷泉判罷訟庭空一權琴書顧盼中此地煙波拋不得
故鄉山水好難同碧荷筍醉平沙月紅藕船敲曲院風
元白詩名都壓倒敢誇州宅傲髯翁

詒經精舍舊時肄業處

滿門桃李換新陰

明日課士諸生預集舍中

想見前賢造士心

講院文達

寶笈琅函留古色高山長水有遺音叢碑問字驚殘燹
斷碣題名憶朗吟吳姓舫趙蓉舫兩宗師視兩浙學時子曾入此間肄業後進伊

吾凡幾輩頭顱如許愴懷深

照膽臺漢壽亭侯印

山川呵護貯靈符照見何人膽最癡任使荒臺成茂草
豈容神璽竊萑苻亂後此印復得明湖百頃秋風厲炎鼎千年
正氣扶敵告英威常颯爽要驅蛟鱷動天弧

聖因寺遺址

繚垣阿觀故巍巍風動杳恩想玉珂南內春深花易落
連昌宮閉竹偏多奇礪石臥妝臺月有美人石梳妝臺諸景今無存薛
荔牆穿水殿波珍重門前耕種地會看荆棘起銅駝

華亭舟次寄傅十一

屢約聯檣計總訛足音猶戀故庭莎萍蹤再聚應尤好

梓里相逢漸不多，一葉渡江留夜月。
節子方載桃葉之楚與子屢約同行
不孤蓬綠海送春波，岱雲衡雨終須別。同向華亭道上過。

滬上送陶海琴太守同年

良翰

杭海之閩

一麾琴鶴指僊霞，舊治關河萬里賒。
辭檄未能偏渡海，買山無力卻攜家。
蘭芽楚楚催行李，桃葉纖纖壓片楂。
攜小妻幼子行此去莫須封鮓板，輿重葢看黃華。
約到閩迎母

答余曉雲學博

承普

海上贈行詩

綠波南浦片帆催，花下逢君埽徑開。
余方館權署兩眼滄桑知己少，一編風雨故人來。
便刪諫草成吟草，莫問強臺是債臺。
愧我重尋雞肋味，侯門甘作斗量才。

半攜琴劍逐紅塵故里風流得幾人纔說著書偏已老
不如歸去忽憂貧匡時欲竟平生事展卷猶存自在身
安得姓名共瑜亮因衰病負良辰
原作有天下如公
才有數詩中無我
集虛編之句蓋指予
集中無余贈答詩也

留別何叔杭余曉雲

聚散何心月一鉤迢迢南浦捲春愁廿年矮屋伊吾伴
十載名場蹀躞遊惜別有情燈欲語治裝無計雨能留
江湖不與升沈事一掬殷勤送客舟

杏花春雨促驪歌拋得江南又荷戈千里才名僅我老
一帆風力借人多平生只道胸無炭往事難禁海有波
此去奚囊偏得意要登嵩華看黃河

時將
入汴

滿庭芳詞

滿庭芳者海上新翻曲部也子弟多出京園

選舞徵歌闋海邊大羅僊奏降從天治遊莫吝黃金擲
樓閣先糜十萬錢

纖塵微步下銅街豔闋新翻十二釵遮莫上場學吳語
南人今已識齊諧

寶鏡嵌星閃窄衣公孫劍器捷如飛就中鼓掌誰稱好
有客曾遊日下歸

對客飛來樹下鶯延年女弟也移情低頭自愧無顏色
不妒蛾眉妒曲聲

時有挾妓觀者

簫鼓重登百尺臺銀燈列隊夜場開明星萬點無人管

坐看西洋火自來

西人坎地然煤隧道百出隨處以銅管導之令火氣上蒸夜則焚管代燭

補勤詩存卷之十四

五

悉穿牆屋而出謂之自來
火列市皆然戲園亦用是

舟發吳淞

泛泛常爲水上鳧扁舟初發指句吳偏因薄宦輕離別
不耐家書說有無遠道獨扶千里倦吟魂相守一燈孤
故鄉明日蘭亭禊歸夢如飛歷鑑湖

獨坐懷揆初

久客程難計長途倦不勝自斟澆礪酒獨坐照愁燈文
字原無罪干戈病未能算遊嵩少去吳下約吟朋

吳謳曲

一船盪觴謳吳謳百船屬和停中流潮平如鏡月如鉤
一解種菜菜花老採桑桑葉柔大麥未黃新米貴秧苗初

插白糧收

二解

萬里軍需不斷十年兵火屢休轉輸辛苦

汗耕牛聽得夷人買鄉繭

令淮夷人隨地下鄉買繭

養蠶無力女兒

愁

三解

崑陽道上

苦逐春潮去復還記遊但數鬢毛斑腰纏瘦帶移新孔
足繭芒鞋踏故山右袂先糜千穎禿窄襟重試六鈞彎
美人蒼狗當年事海上浮雲一瞥閒

吳中某氏因亂流入句欄蓄千金自贖已遇其
夫矣爲歌師所挾其夫哀予拔之以歸師故病
僕予爲作囊駝行紀之頃過滬中聞氏死矣更

紀一詩

和華言不才之一日
一拋歌舞便安貧，破鏡能消舊夢塵。
飛絮本無流水性，落花偏是返魂身。
半生誤墮漂零劫，到死羞爲老大人。
了卻天涯淪落恨，香山有淚勿沾巾。

寄莘田金陵

茫茫人海數寒盟，揮手天涯一別輕。
塞上飛鴻來有信，樓頭黃鶴去無聲。
秦淮水煖君偏戀，華嶽秋高我獨行。
莫怪戎裝詩特富，出山泉比在山清。

吳門柬錢晉齋

幾回蹤迹散雲泥，笑憶相逢卅角低。
堂上十年呼小字，燈前百試請他題。
應從門下司牛耳，爭其天涯逐馬蹏。
除卻庭槐愧桃李，任君領袖值丹梯。

晉齋尚應鄉誌
豚兒相偕下關

舟中夜起

篷窗燈火夜分時一字安未未可知睡起披衣重琢句
免教入夢尙吟詩

書周存伯

開

跋補勤詩存後

半是勞人草草歌著書年力錯消磨論詩何必眞知己
數到塵寰已不多

留別醜陵太守長白扎仁山

克丹

赤野瘡痍氣未伸望君如歲澤如春好仍簡靜遑求治
不大更張便息民瘠土能支枵腹吏長程難限黑頭人
紅塵十丈相逢僅願事曹參學飲醇

更名不果

蛻去前身淡墨香，逃名偏又墮名場。不容老僕呼君實，
卻憶方山是季常。刺字一回曾漫滅，手文何處忽蒼茫。
陶朱儻種先生柳，姓氏人間更不詳。

京口晚步

神僊墓下晚潮回，甘露山前澣劫灰。兩點嵐光浮水出，
七濠檣影翦江來。大人一闕今成市，勁旅三年此背嵬。
謂馮軍門守此跋浪鯨喙吹不起，海雲低壓妙高臺。

燕子磯

俯臨蛟壑障鯨波，未許樓船擊檝過。六代興亡天險在，
江邊白石閱人多。

樓臺金碧已全非，燕子千年總不飛。片石肯隨江水轉，

主人終竟認烏衣

金陵遇陶安軒明府

慶澄

家山回首隔烽煙一度滄桑抵百年噩夢未應消傲骨
故人何事亦華顛本無筒鮓妨廉吏卻有蓴鱸待俸錢
寄語五株門外柳因風三起莫三眠

耿耿同彈貢禹冠簡書催我逐征輦中原此日猶多事
夾袋如君僅一官誰與拳駟增莖豆莫爲陽鱗惜膏蘭
未知刺字疇先漫笑倩西窗燭影看

秦淮雜感

席帽飢驅負盛遊十年遲我秣陵舟阮亭秋柳成陳迹
况憶南朝廿四樓

烏衣門巷散栖鴉
王謝風流舊夢賒
前度已無江令宅
祇今何處段侯家

璧月瓊花一炬時
可憐紅雨杜鵑枝
渡江忽應童謠讖
錯恨當年桃葉辭

笛步登時聽斷腸
冶城春老月痕涼
燕支井畔千年水
一夜吞聲過院牆

零落鶯花自六朝
幾回鞞鼓惹魂銷
春潮冷咽青谿月
二百年前長板橋

北里笙歌姓氏誇
十孃老大有琵琶
等閒沒入縫紉館

粵遊踏金陵令婦
文居一館詞縫紉
舊院從無頓脫家

縱然飛燕失雕梁
一曲紅綃似故鄉
海上傳聞沙嫩在

可堪天寶末年狀

蒼茫煙水逐浮鷗
日下東吳萬里舟
賴有潯陽商婦淚
不教江左斷風流

丁字簾前泣雨絲
白門煙樹更何知
臨流莫漫論春恨
欲怨東風無柳枝

十頃蒿萊燹影收
瓦場燐火石城頭
莫愁湖水無情綠
春到人閒故莫愁

玉碎珠沈絳一龕
枉隨京觀築城南
各城外均有白骨塔
便收茵

惘同青鬢勁骨難
分紀阿男阿男金陵詩人紀伯紫之
殊也能詩以節聞王漁洋

秦淮詩偶用之爲伯紫所
詆後乃疏旌其間以自憐

大功坊石未全埋
郎里西通古御街
留得中朝龍虎氣

有容鮫客問秦淮

上年立海船互市馬頭卽以秦淮河爲界議不得入

將發金陵莘田攜酒見過別後有作

故人攜酒餞吳舫
一夜潮聲抵足聽
翦燭忽看江月小
湔衣猶記海漚腥
明朝南浦波重綠
舊夢東山雨自零
何處琵琶還送客
隔船燈火動晨星

三月二十七日自金陵至維揚馬漢卿駕海生

輪船前導半日而達

午帆乍發秦淮水
薄暮船停瓜步洲
浪裏山光埋北固
潮邊風力阻東溝
江汊地名屬儀徵縣
神龍銜尾一般進
飛燕垂頭片石留
怪底濤聲渾似海
本來身坐海生舟

白沙江上

白沙亭畔舊眞州巨浪中分二水流江勢漸趨瓜步口
潮聲斜轉石城頭涼生漁火千帆暮碧浸蘆田五月秋
酒醒今宵思柳七曉風殘月弔荒邱

揚州夜泊

平山花木又三朝舊恨何須廿四橋解渴自斟揚子水
藥愁空賦廣陵湖二分明月嗁煙柳百劫河山送畫橈
莫記者番離亂事梅花嶺上更魂銷

過高竇湖望清水潭

去歲河決處

隋帆側側翦波行萬頃澱湖似鏡平鷗鷺祇知春水信
魚龍曾作夜潮聲風流甃社應常在烽火秦郵幸不驚
借得洪濤消浩劫銀潭從此百年清

安瀾循例賞波臣一浪仍糜十萬緡轉漕驟難紓水力
大流高已半隄身要知汜濫原趨下遑惜膏腴乃阱人
版築會邀神助速隔年猶有失巢民

友香詞

舞衫歌扇獨何心度曲人前笑不禁百樣悲歡無著處
登場偏已慣嗷吟

幾回聲淚疊陽關步步纖肢墮穉鬟莫怪效顰工欲絕
本來眉黛是春山

眾興遇風

一竿晴旭淡朦朧踏到紅塵便轉蓬浴面忽驚天雨土
焚輪爭訝地生風儘多折柳難聞曲尙有扶桑未挂弓

鞭影鈴聲渾不是十年清夢渺南宮

順河集

平沙無際送征輶可許桃源問畫橈

順河屬桃源縣地與武陵同名

地梨花輕似雪掀天麥浪軟於潮瀕河一壘千家聚隔

樹孤村十里遙賴有神僊名將在烽煙莫犯老人橋

地有橋亦稱張子房受書處

宿遷渡河

雞鳴荒店裏行窠道長年華此裏過老馬識途歸路遠
飛鴻踏雪寄書多淮陰流水千金飯漢代家山七字歌
陵谷推遷如隔宿於今赤野故黃河

雙溝

澤國哀鴻尚有鄰，幾回烽火犯河脣。卻因多壘知民力，
一鎖重關便市塵。麥隴南風招雉雉，柳陰斜日候歸人。
平疇晚景江天似，絕憶家鄉夢尾春。

徐河隄上

輕車三日走如雷，屏障千重眼界開。萬古河流還北徙，
故鄉山意自南來。巖疆屢壯旌旂色，曾李二帥先後駐徐佳氣曾
鍾王霸才愧極，書生依馬足急裝。潦草飯黃埃。

彭城懷古

帝鄉壯士爲誰生，戲馬臺荒風夜鳴。絕好關山偏百戰，
無邊淮海幾長城。峯趨芒碭雲如熾，雨洗湖團浪有聲。
去夏揆帥徙湖淘盡古今人物去，大河從此不前橫。故州

有碑碣曰
大河前橫

雲龍山人放鶴亭

謝絕人閒鹵簿遊髯翁笠屐此句留夢移湖上林逋嶼
西湖孤山有林和靖放
鶴亭今建蘇公祠亭側
閣補半扉春水草堂收雲龍道士翻躑笑曾送先生赤
壁舟

旅次讀雙肖竹詩

兩度重經世網逃肖竹再盛時休作楚聲騷修篁拔地
無枝葉原詩有此七
字屬對未就倦鳥投林惜羽毛希世珍偏說鼠

腊太阿光不借鵝膏古今人物恆沙數幾輩能禁濁浪

淘

虞城道上述夢

朝行芒碭東暮宿芒碭西明月一何皎
飢驢一何噉我今有夢歸邪谿堂前猶續文伯母爨下新汲梁鴻妻和
灰請澣阿母衣

朝行芒碭西暮宿虞城道飢驢噉復噉
明月皎復皎我今有夢湖山好下有百年長寐人
上有十尺黃壚草老父龍鍾策扶老

自歸德至陳州

相正遺封接宛邱南臨垆毫控神州短轅落日孤城暮
長淀新蒲五月秋歸陳城外皆有溝洫至今存禹迹圖
書從古衍箕疇有箕疇書院大都百雉尋常事民圩輒吹起

寒笳上謀樓

陳州感舊

憶道光已酉予仲兄做三送予姊端生至陳以病瘵
歸越竟卒次年姊亦卒於陳事幾隔二十年矣過之
猶感

薄暮登城望人煙淡夕霏浮塵千里目別淚十年衣柳
下新絲脫桑陰紫葚肥他鄉懷骨肉南雁一行飛

早歲常多故中年况寡兄慣搖原上鶴曾墮樹頭鶯往
事空離合天涯忽死生蘧盧何處是一夜杜鵑聲

廿載凋零感光陰迅隙駒對牀愁聽雨子從兄弟五
今其存者二煮

粥痛然鬚白首征夫遠姊夫姜春土
今在消縣幕青燈旅夢孤關山

如可問明月照黃壚

周口卽事

市塵風捲入沙河十萬人煙百貨羅戰馬驚蹏驅夕關
賈牛銜尾下朝歌倚裝惜別忘行路閉戶題詩便養痾
恰好麥秋天不雨扁舟那得去如梭

謁李少荃爵帥退而有感

江南三載預戎機萬里重瞻上將旂隔世相逢忘慧苴
再生有日惜封非平吳作頌人猶在

江南鏡
鼓歌

捍海陳書

計總非

捍海豫
圖策

遷謫天涯行不遠歸來還認斗山依

自分辨將健鬪鸞鴻飛鍛羽墮從天身名大受多才累
若相幾無造命權華髮勝簪甯我老拳毛伏櫪莫人憐

誰爲知己今猶昔，遑問當年儻不然。

回首瀾翻幻海潮，東山車乘忽翹翹。豈因銷骨還原毀，但免焚身已解嘲。又顧齊藩休食肉，再吹吳市不成簫。

楚材晉用尋常事，總折陶家五柳腰。

時山左潘方伯檄予留東

好詩吟到一官麤，鉞杵磨穿鐵硯枯。對月不禁烏繞樹，御風難免雁銜蘆。襴衫宛轉摩金錯，醇酒商量伴玉壺。底事句留如有待，藥鑪茶臼逐征襦。

謬許千言倚馬才，眼花春換又重開。

目昏加甚易鏡者再

空將薄

宦當生計不信膏粱亦病媒，身上鄉愁衣綾密。腳跟塵土簡書催，會須著屐嵩山頂。勝看扶桑日出來。

車檐削月似弓彎，有約征鏢動劍環。好友幾人在岐路。

謂錢揆初周小濂

舊遊重夢抵家山

指任城

三年飽浙矛頭米一

夕狂添鏡髮斑明日開門焚尺橐愁痕如雨對風刪

戲爲儷語

爲戀豬肝理舊絃漫嘗雞肋整新鞭文章笑我丁陽九
事業看人甲大千失馬重逢青眼日尋驢曾誤黑頭年
會鳴笳鼓趨前席敢抱琵琶過別船

自甌陵至周口與揆初一月同程謁李爵帥閱
旬日將分道之尉氏軍營以詩留別

一江春水濺征袍千里從君脫寶刀劫後雲山青未了
古來人物浪先淘燈前舊雨憐形影天半長風比羽毛
不有舟車勞遠道飢驅何日卻相遭

夢觸京華瘦馬馱何期皇路載鏡歌早知宦味仍懷刺
都是書生底枕戈萍水忽逢雙白鷺鼎軍舊侶潘莘田
鍾蕪塘同日相遇
金桑滄但問故黃河可堪盾鼻難拋卻拌得流光與墨
磨

便叩雲龍道士扉無糧野鶴極天飛塵腥驛路重題壁

酒滿家山正典衣君家惠山戎家
山陰均稱醴泉早歲輪蹄猶歷歷一

年楊柳又依依同袍有客來相憶日暮荒城戰馬饑彭城

遇雙肖竹同年共述
前年古豐勦賊事

夕陽鞭影息聞關上將旌旗帶水環絕頂誰當登少室

下風我敢在東山莫輕做帚千金值好助天弧百石彎

五馬一塵渾不定西湖惆悵白雲間揆初分
浙未赴

眼昏需鏡已五六年矣忽復對鏡茫然則昏滋甚因易以深者時四月二十二日也

翦翦雙矚隔水晶十年資汝近燈檠未能恰好先多日再若相需又一生可喜新匳殊皎潔更嫌故鏡不分明引人漸入糊塗境此物能禁幾度更

沙河隄畔

一水斜通賈魯河飛艘銜尾下晴波

汴中多兩舟連攬以行意舟之名艘

以潭心雲意都無賴開殺球場蹀躞鞞

各軍久不戰

盤足吟

向嘗有老眼白髭之吟去夏歸舟齒落遂吟傲齒老之將至觸景成詩不自知其詞之激也小住周口兩

足蹶腫作盤足吟

有足不躡青雲梯空使天台臨剡谿有足不陟三巴道
空說劍門度飛鳥天生此足欲何之少年十五十六時
會稽山色故蘊藉不用放翁雙不借餘杭天目真巉巖
此足始解窮躋攀率蘿捫壁太頑健置身常在猿猱閒
長橋獨木三十丈下有飛流盪清響亂石千頭白浪高
以手緣繩跣而上無何世路歧復歧馬牛奔走津梁疲
跛鼈顧而笑蹇驢悲且嘶人間騏鼻不足用勞勞行路
無窮期海雲日出江天暮臨流幾唱公毋渡蹠躩球場
踏鐙歌驚沙千里逐明駝腳跟鞵綫都蓬轉劫灰飛過
紅塵輒不信雙趺齧短鞵會看十趾添重繭何期再折

柳腰輕髀肉偏從股下生風淫容易致末疾拇腓膚革
殊充盈行膝每夕移帶孔忽訝醉步流餘醒病非徒種
苦跋盤鬘會患此由毒診癸亥在江南患此旋愈壯盛易得豨苓
功日習吳趨不爲意引錐自刺聊屈伸黃埃沒踝今遂
巡行空天馬傷蹏醫坐使熱血填蘭筋嗟哉此足一何
重甯譏微種謝拳勇嗟哉此足胡不良甯辭長坂循康
莊王尊叱馭行不得豈駕爲憂舉步仄左肘毋忘楊柳
生右肱曾爲良醫折本來此膝抵黃金况今老至思蠟
屐黃河水嵩山雲百年偃蹇行不盡快支病足怕勞身
飛鴻指爪已如此且印青天白練裙

衰耳吟

禹耳聞善故三漏舜耳察言猶四聰後人有耳聰不足
美酒無端名治聾日啖荔支苦肺熱清宵病嗽同鄰春
聽於無聲金自鳴漸疑天籟生空中自茲耳官失厥司
與言終日無所通黠續不待王者塞琇瑩忽訝君子充
本來此耳患虛受自其口出無不容人前昵語蠅營至
枕畔低聲狐媚工屬垣竊聽動簧鼓覲面茫不驚晨鐘
有時先入爲之主嗾起蝨賊滋內訌公然盜鈴不復掩
隨聲附和甘雷同與其多聞常闕疑何若無耳師老龍
衰齡不合誇兼聽陡然谷口成雲封此中有人呼不出
洞門一閉千載空面諛面斥渾不省喜怒無所動於衷
好潔不煩巢父洗屏除私語爲大公敢是雷霆蟄地下

元竅湮鬱當嚴冬不然箏琶笙笛填靈府鄭聲嗙吠暗
周鏞必逢厲聲亦相入當頭棒喝開洪濛戶外二屨言
必聞令人四坐生談風聞根清淨隔世事重吹麩籥天
無功返虛入寂良亦好罔知理亂夷憂忡但令五十而
無聞相期耳順與心從叩之不鳴問不答一笑與天同
夢夢君不見好官畢竟資笑罵不如歸作阿家翁

周口隄行題壁

一鬆鞭鐙戀僑居道路逢人說簡書兀是吟詩行不得
敢知門外有鋒車

藥鑪茶竈熨衣塵猶是天涯不繫身短夢黃梁容易續
可勝顛顛夢中人

獨宿陳樓

屬西華縣

蒙頭著壁臥腥塵
麥隴香吹餅餌新
十萬大兵方壓境
荒村猶有夜行人

隨同鼎軍早發蘇橋

破曉登車第一程
短衣盤馬事東征
村樓半自煙中出
野樹疑從水上生
時有花香風滿路
忽聞鄉語鳥催耕
平原沃衍都如畫
飽聽連畦打麥聲

軍次陳留

赤野迢迢接楚氛

時賊自鄂來

三軍道渴傍河濱
打頭沙點

拋狂雨潑面
塵腥熨火雲
枕轡途長分飯早
佩刀泉斷望梅殷
榴花無主空相向
搖落荒莊日已曛

補勤詩存卷之十四

六

夜渡蘭儀乾黃河

絕壑能容萬甲屯半輪殘月破黃昏隄根土斷留車轍
沙礫風梳作浪痕一夕烽煙穿蟻穴十年聲氣隔龍門
此河已涸十年天河倒影今猶在綠樹新成三兩村

補勤詩存卷之十四

補勤詩存卷之十五

山陰 陳錦 畫卿

蓮亭今雨集 丁卯五月

任城之勝獨愛酒樓下爲蓮亭尤宜消夏軍行留
後一再過之作蓮亭今雨集

從潘琴軒方伯統軍回濟久旱適雨

百里隨車雨臨風喜灑塵喘停銜檄馬渴解望梅人野
樹綠初潤池蓮香可親脫鞵拌一臥長簟晚涼新
舊夢詩重憶前遊迹再經一軍催北渡千騎寇東溟卽
墨潮聲急之眾海氣腥五更聞造飯天半尙明星

重至鐵塔寺

補勤詩存卷之十五

一

蒲帆十幅朝湖光題別玄都字一行正是去年今日事

桃花含雨送劉郎

去年今日由寺登舟南返

再來休被謫仙知重續樓頭雀顛詩認得者番潭影裏
鬢痕添著幾莖絲

四壁琳琅墨瀋濃老僧羞換碧紗籠炎涼不到娑羅樹

此地原無飯後鐘

水流花落去來人長與優婆作主賓我佛慈悲空一笑
隔年猶賸苦吟身

送錢笠湖吳翊卿隨營東剿

誰教盾鼻替人磨逐隊弓刀走兩河莫怪軍書催馬上
使君終亦忠才多

密密征衣數縷痕，驚心風鶴廬晨昏。卽君一事令人妬，
便坐鋒車詣寢門。二子皆家濟南

閒居

潦草光陰近早衰，閒居一日一徘徊。編年詩卷俱行狀，
強酒情懷喚睡媒。晚課焚椒勤筆記，午衙攤飯枕書堆。
分明夢到家山裏，排闥呼燈熱客來。

寄桐生嘉禾

時桐生方自營歸禾

荷花時節脫征鞞，賦別臨歧墨未乾。水面微山歸櫂月，
隔年留與故人看。

漫疑今雨不重來，敢惜文通未盡才。翦寄吳淞江上水，
神僊先已下蓬萊。

大江東去遇鍾期

金陵舟次遇鍾蘅壻歸皖

日落孤篷倚釣磯憑弔

秦淮愁獨客天涯勞燕恰同飛

身世勞勞幾轉蓬百年萍水驟難逢征帆相左知何處

半夜潮聲人語中

桐生南旋交左於道

一樓煙雨故鄉遙歸路應多駟馬橋寄語書生莫投筆

好支琴劍換金貂

鏡檻重圓月一規書成博議豔吟帷淋漓大筆新人笑

草檄歸來底畫眉

桐生新續絃

乍攜紅袖上妝樓忽憶蟾宮桂子秋說與陌頭楊柳聽

但逢春日莫封侯

萬人軍裏著長鞭見慣登壇拔幟先鏖戰文場成底事

奪標曾許十年前

時方秋試

折得樺香第幾枝
泥金消息遠人知
西湖明月南湖水
一掬秋風雨地詩

上蒸下潦數前遊
泥印分明認宛邱
隻雁南來重入陂
河流如綫澗鴻溝

歸陳孔道先後同行
去夏苦潦今乃病旱

男兒身手苦抽毫
一尺長纓世網牢
先後車塵填海嶽
磨牛千里逐弓刀

百篇新詠舊名山
狂客來時興已刪
莫問酒樓前日事
謫神僊去白雲還

江小梅花圃

評量十笏翦蒿萊
清簟疏簾鎖綠苔
新竹遷喬三日醉

好花當戶四時開枕邊蘇老傳家字夢後文通作賦才
早晚莫縣徐孺榻會拋簪紱灌園來

玉軸牙籤古趣幽琴心花意埽春愁燈縣畫壁千山暮
雨積坳堂五月秋子舍旁通留客徑一家居近謫僊樓
令人卻憶秦淮水江總門前六代流

贈銘軍掌書記劉湘生直刺

宗海

時同留後任

城

望見吳門匹練開寥寥心數異岑苔三年迹認鴻泥徧
一面緣逢馬上來世事幾人支幕下杞憂何故老詩才
酒樓明月黃河水長劍休須斫地哀

草檄初停字十行且勝風月澣戎裝天涯何必曾相識

湖上多應是故鄉

劉錫山人貫錢塘籍

千古浪淘人物盡五侯門

積羽書忙十年避見蛾眉妒金縷工夫疊嫁裳

代柬約錢揆初滋門楊甄舫蕩舫汪鏡初周小

濂江小梅置酒太白樓吟眺

皆江南人

蓮亭今雨洗巖裝駐馬偷閒合舉觴地主訛傳狂客是
飲白者任城令賀蘭氏後魏樓高倚酒星俯忽從天上
乃以知章當之志刊其誤來明月一度神僊謫夜郎多費人間遊鹵簿湖光山色
送迎忙

祇許詩才留飲名幾人斯地敢騎鯨除非崔顥能題筆
可是汪倫欲送行吳會雲間千里目長安市上十年情
問天此約同搔首遲我登臨已半生

題硯

栗亭碧硯開自少陵品逾端谿本吾鄉姜春士同年
家藏故物也持贈三十年矣湖海相隨未淪兵火今
且供草檄書甘苦半生惟吾與女爲題三十三字屬

小梅鐫之

栗亭在蜀中同
谷縣見杜詩

碧落碑藍田玉古井欄滄新淥敷歷名場磨老屋隔滄
桑兮濡盾墨守黑無言文百斛

雨夜

門掩蘆簾雨乍零枕功涼透夢長醒蝟毛寒縮銀燈爛
蝸角愁沿紙榻腥眼底書成千里寄耳根秋訝隔年聽
依稀殘漏三更斷餘滴風吹住瓦瓴

晚步城頭

破悶極登臨萬象接蒼莽
羅雲施晝陰弓月露夕爽晴
巒周四圍飛鳥獨何往
呼童汲澗泉秋風溢益益
緩轡下丹梯斜陽亂人影
南池水不波當風漾荷梗仰
視逼會霄回頭接塵境
野花時一開對客弄清景

夜作家書

登陣傳令聽周呼
紙帳微明月上初
畫裏山光青翡翠
鏡中花影碧芙蓉
秋風有信蟬知了
春雨思歸鳥不如
獨有含愁燈欲語
照人深夜作家書

小梅聞珮圖

圖寫一僧跌坐旁立女鬟

捷椎聲裏學磨甄
面坐空山石壁穿
片影驚鴻渾不省

拈花但認指頭禪

神獅退聽鳳凰鳴
愛怖都消六入情
一喝耳聾三日後
聞根初潑散花聲

此子津梁樂已疲
瞿歌舞付茶毗
我聞如是皆天籟
蘭若香披消瘦衣

驀地青鴛下碧岑
蒲團月滿島僊吟
便教兩耳箏琶沸
總是諸天鐘磬心

小梅三聲圖

錦機不斷樂羊妻
入戶微聞甯馨嘯
絕憶兒時書味好

三更篝火鳳城西

隨任京邸

十年佐讀費工夫
促織秋心喚鳳雛
底事笙歌還沸耳

斷風新譜繪聲圖

自題第十四卷詩後

夜窗風雨短檠支，懣斷愁根夢不知。
海內需人姑運甓，江東有我合吟詩。
浙東亦稱江東閉門無已抽毫苦，賣賦相如下筆遲。
馬上偷閒能幾日，况逢顛顛別離時。

洪休札闥設艱深，一字推敲月下尋。
古檜盤根坡老賦，秋槐落葉輞川心。
廉泉自聽涓涓語，獨爾長抽軋軋音。
待我三年作高適，從前祇是不會吟。
時年四十有七

夜坐又得二首

一卷詩成句自題，撥殘鑪火雨窗西。
風篔葦葦箔茶煙淡，月浸紗籠燭跋低。
壁蝟怒排宮蠅戰，磨驢哀似峽猿啼。

睡媒密約牀頭酒好夢偏多記忽迷

睡後詩魂與夢謀被池畫破指痕留燈花影逼風侵幌
鐘杵聲高月上樓千里家山今夜雨三吳歸櫂去年秋
可堪促織多私語翻笑人間杞婦憂

有懷國子先生家午亭同年

章錫

幾回鐵網漏珊瑚槐市三年詔館徒空向長安論米價
可勝鄉里負菱租

先生家鏡湖

長縣腕下千金帚同是人間

五石瓠尺牘天涯渾不到宣南鴻雪憶尊壺

咸豐初京門諸友有

宣南鴻雪之課

任南小樂府八章

賣餅歌

畢羅復畢羅一夜雨滂沱不托復不托寒月門前落門
前寒月何團團餅師賣餅猶未完人家飽飯眠不得餅
師謳餅聲聲急餅師賣餅數餅錢餅錢常在心憂煎昨
日千錢都買餅今日賣錢剛一千餅錢買餅適相埒何
如置餅向路側餅師明日不朝食

雪餈瓜

白藕瓜也

青門五月種甜雪輸與人閒澆肺熱美人手把銀刀看
何以薦之白玉盤涼亭日午苦奇暑截斷冰壺滴鍾乳
一片寒冰一片心甯將顏色賣黃金頓使秋風生罌缶
瓊漿百斛捫煩垢故俟心事水同清憑君持向人前剖

南池蓮

南池蓮蓮葉何田田朱華一丈衝波起苦心粒粒珠璣
駢美人素手掬廉泉十車薏苡裝歸船少陵浣筆坐天
上太白貰酒登城堧納涼似此好明淨出門大笑成詩
篇南池蓮蓮葉蓮花值萬錢食之令人清肺肝

肥城桃

夏實醞春醪纍纍肥城桃今之深州貢

直隸深州亦貢桃桃特美昔

者綏山豪瓊漿十斛大如盎以手膽之披紅袍味美突

過董四墓

董四墓有桃數株實小味甘爲京門第一入貢

不數塞上新蒲萄會

登齊廷殺三士餘甘誓不媼彌子何勞土偶哀東園甯
與匏瓜同入市肥城桃一何肥雪以白黍醕雙頤神僊

一摘療苦饑

金波釀

對月金尊瑪瑙光
瓊頭十里筊奇香
阿泉沈厚藥浮薄
稜著大力相扶將
回甘稍稍苦中熱
毋乃不似蒲萄涼
舌底騰騰炙談輅
如湯灌雪澆愁腸
太白高樓兀在旁
主人况是四明狂
吾家何爲貴越釀
千巒競濫蘭亭觴
瑪瑙光筊奇香使
我飲之思故鄉

阿驢膠

泉用阿井驢宜黑皮

濟水多伏流
滄爲阿井泉
窺之色正黑
石髓滴天先
易言牝馬本地類
駟馱詩贊秦戎篇
誰令長耳廬
山公竟體改造緇衣便
岐黃類族辨水物和劑
五德殷尙玄圭刀
鑿割鬪虎材烹阿并付
丹鑪煙以水濟水起沈痼老

禿從此苦憂煎
張果箱中疊萬紙
韓莊市上售千錢
守黑有時不可保
磨牛偏自活烏犍

黃河鯉

黃河鯉一尺肥
昔遊江南掉瀚海
今道淇汶下青齊
鬚鬣曝日龍門西
雷公渺此尾勿擊
百試不逐鯤鵬飛
罡風挾之走粲粲
銀鱗衣巨浪吹攔
輪溝泥五里一涵
洞十里一洿蹶石
梁止水密如篔到此
一躍阻天梯黃河
鯉一尺肥屠沽手
裏筠籃捉

香稻米

湖田學種香稻米
粒大如珠白如苡
東人留作病者糜
白錢易之把握裏
香稻米實蠟蠟
江南蚤暮沿門炊
習

食不足貴水旱生偏災何如日食麥與黍易生不費農
力栽古人常譏肉食鄙今人多苦穀食羸卻憶留侯遇
黃石事煩食少功不衰當年已自先辟穀何必赤松授
僊錄

秋試寄示兒輩

半生嘯笑憶天真漸桔衣冠儼恪身此日有誰知幼行
廿年凋盡老成人

忝博文譽兩鬢蒼僭懷民物蹈疏狂中秋月漾官厨餅
先汝風檐幾度嘗

同日霓裳詠大羅三條銀燭夜如何一身未了科場債
債到兒曹定不多

阿咸初向選場攜

治卿方攜沂兒入場

端的難登取月梯莫似而

翁前日事榜頭名姓借人題

癸亥南宮榜發曾有與子同姓名者

讀明閣部史忠正公遺集題後

腸斷梅花嶺上春南天半壁仗孤臣新亭涕淚消朝

讀

字

氣信國衣冠重後身何可朝廷無一士早因文字卜

斯人

左忠毅兄公文知爲他年社稷臣

幽陞炬眼真千古鐵石心肝付

道鄰

公字

臥薪嘗膽又三年四鎮聲威尙赫然不信偏安難佐命

但存一息總回天倒戈已上高劉變專閭空聞馬阮賢

畢竟勤王書莫報後庭歌舞接烽煙

登陣喋血痛睢陽世事終危逐鹿場元氣驟難蘇黨禍

天心甯獨厭亡王背城一戰身先死養士千年報盡償
尺紙椒山遺屬在待完忠孝答高堂

宰木冬青發勁條森嚴遺像逼雲霄星精爭逐龍胡去
毅魄空懸馬革招高廟魂先歸北牖

公會自言死則葬高帝陵旁廣

陵濤慣送南朝貳臣應運慚無地昭代褒忠義不祧

方望谿左史逸事

載史忠正謁左忠毅獄中事

叩陛一慟惜惺惺詔獄天高白晝冥髀肉已剝存勁骨
目光如炬燭幽囚怒訶館橐聲猶厲危坐銀鐺死不瞑
分付吾徒擔世事他年留輔小朝廷

聞孫激之學博

文川重來海上

天涯揮手惜忽忽姓氏遙傳似夢中省識江南哀庾信

俄聞海曲賃梁鴻問君幾尺哀吟草遲我三年耐轉蓬
往事蒼茫瓊玖在夕陽人影畫樓東

潑面塵烽醉獨醒備書天外故漂零詩名驟長雞林價
曾爲夷官筆舌潛驅蜃市腥心史一編縣海屋蠟丸三
掌書記

日渡滄溟迴瀾手段經生有贏得侯門兩眼青

癸亥四月夷酋

李太國技輪船助勦金陵之議勒兵海上非分要求爲
李中丞所拒不服卽日杭海莫索之總理王大臣邀孫
往掌書記孫偵知酋意因予白中丞自願懷書報王大
臣屬勿達酋請白滬至京七日而達酋卒失望而返并
助勦議悉罷
太國徑去

干戈滿地輟琴尊江左風流什一存商婦琵琶猶送客
阮亭楊柳總銷魂案頭落葉寒暄債花底春潮聚散痕
一摘長纓無幾日故人文字倩誰論

祇應霜雪鬢毛侵，別後頻年馬上吟。
向人閒空聚首，多因時事劇關心。
可堪馮婦還談虎，何必王良定獲禽。
一語報君渾不信，得詩千首便投簪。

消暑

消暑難禁夏日長，當頭赤繖火雲張。
屏除熱客逢人少，痛掃愁痕索句忙。
漸覺衣冠成桎梏，豈容文字逐炎涼。
開門且復行瓜市，一捧寒冰玉液當。

蝸虎

蛇屬，四足一名蝮。北人呼爲蝸虎。

帶純鉤騁長跂，前有螻蝦當車之兩臂。
後有荊卿殺人之寸匕，沴氣生人世不堪散。
及蟠翻豈得已，紙窗欲破聞颼颼。
千尋峭壁行猓貅，進退示人首尾畏。
百蟲九死

觸吻喙檐前飛下尺寸龍指掌潛握驪珠紅

四爪各有紅珠細如

黍撥之則落旋復生

飢顛翕沓欲吞象膾炙辛螯鸞螭顧視清

高氣深穩蹒跚四爪蟠雲袞噓氣先令百足僵轉睛漸
逼雙螯窘狙擊俄來博浪椎頓教蝎背鳴春雷再擊再
中蝎不動蝎腹怒作河豚吹虎尾加鞭蝎尾捲利錐錐
虎還自錐等閒視蝎蝎如蛻對蝎揚舌吸蝎髓動脣搖
吻無須與飲毒如醜虎微醉瞢騰雨眼醺紅紗涼州蠅
虎同紛拏以矛攻盾戰蠻觸何人畫此添足蛇世間凡
物各有虎制毒之虎毒成府埽卻牆陰蝨尾憂爭柰兒
童戒傷汝

蠅虎

草根灰積蛸翻生霎時飛作薨薨聲樹陰日出成朝市
晨雞誤聽齊宮鳴生來象鼻吸梁肉欲借蟬綏拖冠纓
附羶逐臭趨炎熱來從溷廁投杯羹飛鳴能使黑白亂
世界不與清涼爭拔劍驅之還復來文人作賦交相憎
天生醜類善制伏壁間突出青螟蛉螟蛉桑空小蟲也
蠅虎狀似之細
腰曾學涼州舞六足最健緣崖行以走逐飛不自量翕
張吻喙來鬚鬢牆角塵腥胃鼠婦戶樞風猛羅蟲蟲吐
絲縛蠅蠅不覺縱體搏蠅蠅就禽負蠅歸去甘蠅肉蠅
聲抵死猶營營營營不死聲不歇青蠅自古比譖人投
畀有虎有虎食譖人之肉不如蠅

晚行河上

燈火晚涼天河隄受萬塵一聲疏欲斷衰柳噤新蟬

七夕寄內

半規蟾印鵲橋邊破鏡居然飛上天何必相逢偏七夕
稍遲時日月剛圓

迴文空自織雲孫聚散休從天上論遮莫吟成離別字
枉教留別離痕

雨過

薙草行熱湯洗蓮過凍雨仰視月微明長庚正當午
燈火翦紅蛾薰風鼓白鳥一夜兩回聞疏鐘破昏曉

送揆初芝門二錢君從大帥督師濰河用王漁
洋九日送方黃二子赴青州韻

書戟晨飛六月霜魯戈返指揮朝陽長驅奔虜入鐵瓮
况占歲星今東方傾國之師號十萬大將旗鼓何堂堂
鴻溝一畫齊土斷海氣夜吼勞山蒼東隅此失不足計
補牢曾未亡一羊當年狂寇恣剽掠挂弓十度卑扶桑
仰視鷲飛墮跼跼俯窺蛟壑流湯湯天教此輩渺羅網
投林鼠雀逢鷹揚吳中華裔射潮錢手攜琴劍臨蒼茫
江南十載作露布盾鼻富有新詩章傳聞百里塹膠萊
萬人看築金銀塘先登岱頂眺日出漣瀾飲馬褰衣裳
茗芋倒著白接羅舉鞭叱咤呼葛疆此遊慷慨窮青溟
琅琊峯影爲低昂馬首送君先欲東歸來我亦治急裝

懷賈琴巖卻寄京門

屋梁月落照顏色故人夢裏關山黑窗西風雨何刁騷
梧桐露下新芭蕉遷謫天涯獨誰與夜夜秋蟲動鄉語
薄海神交得幾人此時劇憶京華侶故里蘭亭酒一尊
文章空費卅年論先廩右袂禿千穎青氈冷炙冬烘痕
拙腳紅塵牛馬走霜躡屢墮名縲縶焚硯燈前墨淚濃
祭詩花底吟魂瘦猗儻楚本無家世事何堪亂似麻
尺寸海隅乾淨土闔風吹通天船拏其時我作折腰柳
目送君家攜八口板輿安穩捫扶搖黃浦潮來一揮手
明年我便割長纓短後戎衣溟渤行麤官識字罷猶樂
橫眺海嶽心太平干時挾策殊貶道未免杞憂常在抱
一副肝腸文字麤痛談時事交遊少勞勞衣纒別蘭陔

重問人間雞肋來要博俸錢辦鱸膾故山輕屣雙芒鞋
三年落拓行萬里徒手殺人無寸匕江山持贈比人多
煙雲爛熟愁腸裏酒樓何處謫神僊息轍南池夜雨天
膠東鼙鼓動地起簡書星火催長鞭我今騎馬不得下
舊事蒼茫懲罟鴛中年貧賤受恩多作衣祇待他人嫁
與君別後心骨酸思君不置淚闌干論交慷慨數海內
生平未有如君歡與君同齒我尤老莫因米價愁長安
王十四官亮自越之豫應官迂道見過誌別

未知此別更如何卻憶鄉關載酒過三世論交新對字

一衿傳子又同科

臥山小試鄉闈皆與予同
捷今兒行又同博一衿

家山劫後

居遊僅宦海愁來聚散多絲竹中年振觸易可勝歧路

雨滂沱

十年犯難脫烽塵兩兩漂零不壞身世事於今宜襍穢
故人從此喜清貧重尋舊習治偏愛國各守方隅尙卜鄰
珍重秋風河上柳相逢休得鬢如銀

方正學祠堂

在任城漁山書院

一代綱常奮舌爭千年遺愛在任城敢因社稷輕名義
無解春秋罪聖明畫地難磨心史直戴天違計禪書成
薰狐信筆朱雲檻想見當朝喋血聲

壽僊查自越來任

八齡雲樹尙羅胸百越谿山過眼空渡到黃河偏不早
十年前已決齊東

一官初試已中年萬里猶爭祖
逖鞭指日秋風催上馬
莫愁烽火亂山巔

早秋

月輪多比向時明風雨連朝欲
朗晴獨客難禁殘漏坐
新涼初試早秋驚候蟲不學鳴
天籟路犬工疑吠夜行
一綫晨光高樹覺老鴉
嗥咳作人聲

筮篋歌七月二十三日作

大悟小悟歌楚歌大丹小丹秋水多而母渡河竟渡河
雷池一步驅馬過海亦有波海無波山亦有阿山無阿
鴻溝自可畫雉兔不在羅而母渡河竟渡河我有安東
萬牛耕稷湖田禾

漢官儀為畢乃爾作畢故夷弁以戰功授漢官擢方鎮貫廬江籍

真面廬山只自疑海天時見漢官儀先是華爾戈登皆受職但未許籍內

地論功母使殊方有受姓應須中國之古北世聞多馬

地故忠親王子伯王有馬隊入關勦賊之請泰西終謝萬人師指李太國輪船罷勦事

勳名便埒哥舒翰不諱先年突騎施

舍弟試南園有寄

百尺樓頭畫角聲明朝知汝正鑿名風櫓可有西堂夢

此地池塘草已生

再示沂兒

三杯蘆酒嫩涼時絡緯秋心獨裊絲忽憶柴門憐驥子

小年能誦杜陵詩

從趙桐生再至濟州軍爲掌書記

壯心那不恥爲儒丈八溝前舊掌書

少陵丈八溝詩竹深留客處荷淨納

涼時志載卽今之濟州南池也

曾託哥舒見高適且因都護屈元瑜雄

談我已慙驚座老興君應逐負嶠孤嶼梅花拋得否儻

攜琴鶴寄南湖

桐生固有子今又新續絃居西湖

涼思偶成

蟬蛄絡緯其牆東各自鳴秋語不同細草含花涼有韻

微雲薄漢淡無風九州欲折千人桂萬木初凋一葉桐

各省行鄉試獨山左展期

夜半軍聲動寒思可勝天外又飛鴻

漫興

暮氣西來吹寺樓涼颺滿屋成深秋匏瓜有口獨不語

不盡言不夕六十一
二十
十指耕喘書田牛

蟋蟀吟

草頭珠露夜涼侵
籬落呼燈緩步尋
寒到君邊千戶織
悄無人處一雌吟
半閒花石平章事
九月衣裳作苦心
寄語王孫休唧唧
牆陰斜月照彈琴

殘菊悲生夢裏詩
枕函金籠憶兒時
三更冷續秋燈話
一闋狂輪賭墅碁
旅館衣香溫別緒
家山碁語理愁絲
可堪歲暮依東壁
錦段雄心兩翼知

晚眺

一夜寒山綠
西風吹雨開
鐘聲搖獨寺
日色下層臺
樹老鴉爭宿
天空雁欲來
好詩偏野獲
落葉送秋槐

樹杪數帆出白雲天際浮苦吟難一字衰病易三秋薄

宦罷爲樂多文富不憂隨時惜光景門外百泉流

流水杳然去扁舟憶故鄉窮愁兼世事戒得及文章鬢

髮星霜短寒燈歲月長偷閒良不易休復戀名縈

追輓座主廬江章璧田夫子

名瓊道光辛丑翰林

侍從

先皇雨露深手持玉尺解朝簪

公典試兩浙後卽引疾歸未

紆國難家爭毀欲濟時艱病早侵一飯緣終文字報九

京愁絕老臣心干戈滿地騎箕別衣鉢空餘五鳳林

桃李新陰拱硯田君恩合借鑑湖眠封侯鶴突聞鄉俊

時廬州名下士方督師殺賊哀哀有聲

憂國龍鍾隔海天盡室依人猶百

口築場憐我獨三年

公以辛酉三月卒於越自今玉筍殯吾家先兆五年乃歸

頻摧折地下偏多立雪賢

吾鄉同年孫心農梅眼孫蓮
洙太守丁煦洲大令高序耕

大使謝沐齋廣文及周拜軒毛鐵梅諸子相
繼下世凡十人今聞家珊士比部又已矣

中秋懷王十四寄汴梁

去年今夕華嚴寺

寺在紹城
五雲門內

滿地蟾光送客來寒到君

邊行李瘳香聞兒輩木樨開銜杯我獨懷人悄拔劍公

毋斫地哀回首鄉關共迢遞謫居差慰近蓬萊

出山清比在山泉瞥眼紅塵劇可憐搔首飛蓬簪亂後

驚心宿草數愁邊

來面述故考城令丁煦
洲同年身後事一概

一般老興行

千里百掇中秋過十年此日相依蛩駝少岱雲嵩月動

多連

夜讀

吟詩獨無侶，悄如孤生竹。楚楚搖風前，不得戛珠玉。天
然自飛鳴，夜深展卷讀。毋驚鴉鵲眠，秋燈動牆屋。
夕暝雨不雨，夜涼天再晴。空堂客狐鬼，奧室壽蟲草。
色蕪猶綠閒，愁芟更生候。蟲自能語，明月但無聲。

聞官軍會沂莒

鴻溝移劃爽鳩居，廣里防門海塹虛。安得魯郊駟牡馬，
惜教齊寺漏多魚。詔催淮北千軍進，犒罷膠東萬石儲。
記取封侯前日便，投戈曾納受降書。

短歌行

吾家故江南，照壁不喜蝸。蠓蚋織流蘇，牀頭作圓月。衣
裳梅雨酸，隔歲點不滅。男兒憐性命，對食胡慘戚。當其

壯健時龍蛇不得蟄庭前蕉與桐本性惡卑溼天然受
雨風動搖秋聲急母爲讀去聲今夕歡退使淚橫臆

海水搏鵬鵬流螢自乾死萬木悲清秋藤花老猶紫高
寒文字宜衰白壯心恥昨聞穆陵關東來賊如蝥南風
吹血腥道路踈棘杞偷安殊非夫津梁實疲矣置酒消
孤燈忍勿憶鄉里子雲方草立萬事故不理

補勤詩存卷之十五